

聊齋詞卷上

▲鶯呢序

丁未春日濟城感賦

惱他一聲呢鳩，把花魂喚醒；畫闌曲閒，殺鷺鴛，尋香
慵步苔逕。算過了清明寒食，棠梨滿地，飄愁影，倩餘
寒勒住荼蘼，緩催芳訊。春色年年，自來自去，那知
人瘦損，香篆曷，窗掩文紗。雨絲風片，銷凝露花梢，斜
陽一抹隱，深隴斷紅將暝，爭而今天也，慳晴替增愁
病！誰家院落？一樹緋桃，頽霞依斷井，自點綴，傷心
春色；紅淚偷拋，寂寞閒庭。悄無人問，呢喃燕子雕梁，
難覓舊時王謝，今何處？便尋常巷陌，殊風景！此情莫
訴，怕他妝閣人知，黛蛾燈損明鏡，繡裙簇，玉管
調鸚，正韶光似錦。道是處珠簾翠幕，綵柱鞦韆，花壓
闌干，晝長人靜。春風十里，司助夢，勝梢頭豆蔻，音塵
冷。况樓臺灌莽，添凄警，那堪斷送繁華，楊柳青青，荒

聊齋詞卷上

鬪不盡。

▲清平樂

題黃子厚柳外倚聲圖（黃名培，即

墨人，康熙癸卯舉人）

垂楊樹，舊是聽鶻處，拍板一聲花欲舞，紅豆拋殘無
數。闌干閒倚斜曛，悲秋何似傷春，拈得銷魂句子，
尊前合付朝雲。

▲木蘭花曼

早春聽雨和袁松籬（袁一字宜四）

又風風雨雨，淒淒切切綿綿；怪燈暗深宵，霧迷清曉，
愁赴新年，青天不應有恨，泣銅龍清淚，滴珠圓，篆壓
猊金香重，夢回鴛錦寒添。愁兼風影蕩，苔煙吹綠，
度空籬，算纔得春來，便如春莫，情緒懨懨，梅邊翠禽

潛川瀟松齡留仙著

何處聽鳩聲酸楚似唬鵲待覓茆檐相賞玉壺無買春錢！

▲前調

新月和松籬

傍黃昏弄影分明恨有誰知？正珠斗橫斜，碧天寥廓，銀海迷離。相思團變甚日，且低回宛曲待佳期。心事深含淺露，無言閒度花西。依稀籬低斂蛾眉，高閣與雲齊。記寶玦初分，金鈎暗送，弓履輕移。經時漫憐銷瘦，怕一回相見一回遲。况是刀環夢遠，玉釵敲斷空聞。

▲前調

殘月再和松籬

漸冰壺漏歇，無聊懶度虛窗；鎮夢斷重衾，香銷沈水，燈燼銀釭。宵涼倦扶病起，却為誰顛顛減容光？便有一天風致，無人辭惜餘嬾。誰將金鏡剖鸞皇？淒絕

怨蛾長；做弔影情懷，斷魂身世，落魄形藏。吳剛不應脩削，待彌縫缺陷費商量。莫問二分消息，話揚州，問般陽。

▲沁園春

戲作

鬢髮已催，頭顱如故，悵悵何之！想溷邊花朵，今生誤落塵中福業，前世或虧。鯢鯢庸奴，跳梁僉父，舉足能教天意隨。思量偏欲，做他行徑，魂夢先違。常期勉改前非，須索把小人一偽為。要啁啾善語，憐人似燕笑號作旣。迂世如鷗，賺得蒼蒼，拋來富貴，鬼面方除。另易衣，旋回首，向天公實告，前乃相欺。

▲前調

歲莫唐太史留飲

錦繡人家，深沉院落，不染塵埃。看千章樹外，君公第敞萬竿竹，裏書舍門開。雪煮團茶，座延國士，何數淺

斟低唱哉？尤難處，在世人欲殺，我意憐才。登堂相與徘徊，喜值蒲萄潑綠醅。念窮途不偶，我狂似絮，幽芳自喜，君淡如梅。盼睐承寵，留連不盡，爭奈城頭落照催。毋留我樂談不厭，數日還來。

▲水調歌頭

飲李希梅齋中作

爲問往來雁，何事太奔忙？滿斟一瓊春酒，起舞勸飛光。莫要匆匆飛去，傳得英雄傑士，鬢髮已凌霜。夢亦天休管，不許謁槐王！昨日袖，今日舞，已郎當。便能長醉，誰到三萬六千場。漫說文章價定，請看功名成否，有甚大低昂。只合行將去，閉眼任蒼蒼。

▲前調

希梅生朝譜此爲壽

平頭將六十，今歲預稱觴。華年纔是五九，來日喜方長。窗外寒梅香淺，掌上金尊酒滿，歌咏協宮商。自和

醉翁操，花下古琴張。舞時樂，眠時倦，醉時狂。誰將石湖仙壽我，獨媿堯章。信有金蕉玉友，何必玉人金縷。松柏歲寒芳，永與樂今夕，三萬六千場。

▲捉拍醜奴兒

閨思

長病似離魂，非痛癢，無處堪捫。闌干倚遍，嬌無力，欲眠繡榻，生愁鴛被，獨抱難溫。簫鼓鬧千門，人團圓，共對芳尊。家家逐隊尋歡去，憐儂獨自寒釐聲裏，消盡黃昏。

▲風流子

元宵雪

金吾不禁夜，誰教玉屑糝迴廊？想天女散花，將花燃碎，搏來粉手，拋落青蒼。亂飄泊，灑樓飄細細，入竹響鏘鏘。第一月明，無雙燈火，天真好，笑爲甚倉忙？多應嫦娥意，招滕六，偕來並賞燈光。彷彿射殘素雁，獵

罷銀鑾。料人閒歲始，天宮春暮。瑤池楊柳，飛絮顛狂。
獨惜梅花冷落，瘦損寒妝。

▲慕山溪

雪珠同李希梅作

雨條風片，點綴春明媚；一桁繡簾垂，聽打上簾鉤細
粹。藁宮人去，飄下五銖衣，收不住，撒花鈴，戛戛聲情
脆。樓東岑寂，無限淒涼意，梅影正孤寒，問一斛盈
盈誰寄。陽春吟就，天外覓歌喉，人不見，素雲低，空灑
冰綃淚！

▲惜餘春曼

春怨

因恨成癡，轉思作想；日日爲情顛倒。海棠帶醉，楊柳
傷春，同是一般懷抱。甚得新愁舊愁，刻盡還生，便如
青草。自別離，則在奈何天裏，度將昏曉。今日箇蹙
生春山，望穿秋水，道棄已拚棄了。芳衾妒夢，玉漏驚

魂，要睡何能睡好？漫說長宵似年，儂視一年比更猶
少。過三更已是三年，更有何人不老？

▲鼓笛曼

詠風箏

尋常竹木無奇骨，有甚底扶搖相繫；長繩撤向春風
裏，頃刻雲霄飛上。多少紅塵客，望天際一齊瞻仰。念
纔同把握，忽凌星漢，真人世非想。得意驕鳴不了，
似青冥無窮佳况。我從人衆，憑空翹首，將心情質向。
不識青雲路，去塵寰幾多，尋丈得何時化作風竄去。
呵看天邊怎樣！

▲玲瓏四犯

前題

貼紙如屏，共道是風箏始備；誰作萬丈天衢，條爾乘
風飛度。但見一點蒼茫，卻又被白雲留住；莫輕將闔
闔排呼，恐惹豹闌驚妒。扶搖一擊南溟路，俯人間

河山無數。喁喁斷續無休歇，想共飛鴻語；又似停翼
餓鷺，繞村舍迴翔審顧。幸長繩繫著，留得不教仙去！

▲掃花游

晚春石隱園坐雨

小池漲碧，正病柳搖波，影兒低泣，嫩寒院宇。又殘紅
亂落，滿庭煙雨。魚鳥窺人，伴我闌干倦撫。怕春莫，待
努力愛春，春已歸去。幽思縈毫素，早畫漏沈沈，隔
花吹度，味酸意楚。看梅胎漸滿，綠陰芳樹，甚處雕梁，
著箇泥香燕乳，遠懷誤盼，天涯濕雲遮住。

▲賀新郎

王子異續絃卽事戲贈

喜就三生約，憶當時迴廊瞥見，疑真疑錯。及至相逢
無人處，欲語寸心先炸。一別後相思如渴，誰料赤繩
早繫，定引雕弧射中金屏雀。感佩煞，填橋鵲。洞房
重結鴛鴦索，枕頭邊端相仔細，芳容如昨。疇昔狂言，

上場頭，依樣葫蘆要作，切切語。脂香盈幕，囁語休蹈
從前過，蕩天涯歲月久拋卻。須記取，郎曰諾。

高髻雲翹顫，綺東風濃脂臘粉，熱香盈院。凌波一曲
紅花簇，顛倒氍毹輕踐。憶曩昔鏡花空羨，從此相逢
秦晉會，懷抱中夕夕延嬌盼。真將衷情說，相思千
萬，乍見人人沒是處，上下按莎欲遍。此際信巫山不
遠，幾年不到陽臺路，恐生疏未必行雲善。第一夜，費
調轉。

▲兩同心

前題

長髮頻刪，黑髭漸短。青帳裏玉貌如花，紅燭下秋波
似剪。將檀郎數數偷暖，靈心暗轉。別有弓腰旖旎，
蓮鈎膩奩。新妝近熟粉香生，禿衿解，小幃春暖。銷魂
處，秀項微豐，略聞嬌喘。

▲鶴冲天

前題

郎有意，妾多情，豆蔻結深盟。聞時懽愛見時驚，總是趁緣生。芳城路，隨蓮步，曾邀秋波一顧。請教菩薩看麻胡，猶然認得無？

▲西施三疊

戲簡孫給諫

秀娟娟，綠珠十二貌如仙。么鳳初罹卅年翅，粉末會乾。短髮覆香肩，海棠睡起柳初眠。分明月窟羅敷，一朝活謫在人間。細臂半握，小腰盈把，影同燕子翩躚。又芳心自愛初學傅粉，纔束雙彎。那更笑處嫣然，嬌癡尤甚。貪與曉妝殘，晴窗下輕舒玉擘，做寫雲煙。聽吟聲嚶嚶，玉碎珠圓，慧意早辨媼妍。唐人百首，獨愛龍標西宮春怨一篇。萬喚纔能至，莊客佇立斜睨畫簾。時教吟詩向客音未響，羞暈上朱顏。憶得顫顫如花，亭亭似柳，嘿嘿情無限。恨狂客兜塔千千遍，垂粉領，繡帶長拈。數歲來領袖仙班，又不識怎勝當年趙家姊妹道，「斯妮子我見猶憐」

▲菩薩蠻

前題

長霄瘦損腰圍小，日間又恐人知道。此情付與郎，眼語送流光。笑啼俱不敢，俛仰隨人轉。何悲怨天天，妾難郎亦難！

衷懷欲向郎君道，從旁妒眼知多少。密意託新章，欺他姊妹行。郎如天際雁，一年兩度見。但願郎心堅，不須共妾眠。

離郎終夜何曾枕，郎來顛倒心難穩。縱體入郎懷，無言淚滿腮。迴廊時一遇，低頭不相顧。恐有妒心人，道郎與妾親。

曉窗細畫遠山黛，不知何處郎心在。插罷鳳紋釵，返身對鏡臺。履依新樣作，著出恐招妒。留待夜中穿，與郎細細看。

▲東風齊著力

前題

對面相思，咫尺懽愛，似隔雲泥。淒涼一夜，銳減小腰
圍，苦處怕郎不解轉，疑念又恐郎知。若知了，和他瘦
損，儂意尤悽。倦繡畫屏西，人影動，明明知是伊歸。
金針度徹，畫黛更堅垂。恨煞渠，心未懂，巧兜搭，牽惹
羅衣怒。回首秋波一轉，粉項仍低。

▲慶清朝曼

前題

妒眼攢窺，狡心共伺，幾時得個空閒。便如圖中西子，
止許凝看，眼尾傳情話，只燈前一笑兩心懽。意惻惻，
恐人覷破，急蹴纖彎。別後想，見後愛，挑撥得情緒
有幾千般。誰信溫柔鄉裏，坐臥難安。彷彿舍人腸痒，
搔爬恨不到心肝。無人處，恹恹一抱，不類人間。

▲露華

消夏四詠分得珠蘭

墜樓恨結，歎玉碎魂歸，影弄華月。翠羽步搖，零亂幽

香清絕。素心渺隔湘泉，夢縈藥宮仙闕。晶簾外，垂垂
露吞，暗惹騷屑。璇璣製錦員潔，似怨蕙當年，清淚
凝咽。歎唾暗吹芳氣，隨風飄警。更愁淪老人來，拈與
乳花同說。葳蕤意，相憐鬢邊瘦蜨。

▲清波引

題徐大拙白雲湖夜泛圖（徐名振

華安邱諸生

遠天秋迥，正風捲殘荷不定。碧空雲淨，老蟾破煙暝。
翠巖迤相屬，俄出湖光如鏡。繞隄垂柳陰陰，祇漁火
一星炯。飄洋泛梗，遺幽興來趁夜靜。素波流影，問
塵夢誰醒。脩桐泣清露，可覺夫容衫冷。遮莫蓮子湖
邊，鷺盟同證。

▲頭解連環

己酉七夕

碧桐飄井，隔離愁一片，暗傳秋信。奈袖羅輕，不勝涼，

有花外冰蟾，伴人孤影。寧雪鬢雲，料添得幾分銷凝。
向宵深倚遍十二畫闌，慕地幽恨。娟娟露華冷暈，
想凌波漸溼，偷拜香徑。算密約過了佳期，看簾捲斜
河，怨波千頃。鴝鵒樓空，定不似那回酒醒。儘唯有素
雲，恨疊夢遙漏永。

▲大江東

寄王如水

天孫去矣，顛倒了天下幾多傑士！蕊宮榜放，直教那
抱玉卞和哭死。病鯉暴顛，飛鴻鐵羽，同弔寒江水。見
時相對，將從何處說起？每每顧影自悲，可憐骯髒
骨銷磨如此。糊眼冬烘鬼夢時，憎命文章難恃。數卷
殘書，半窗寒燭，冷落荒齋裏。未能免俗，亦云聊復爾
爾。

▲望遠行

戲贈劉乾庵

殘冬小雪風如翦，呵斷江郎彩筆。董狐良友，柱下功
臣，事業還追左國。况聽風生塵尾，獨創新機，四座茫
然失色。念生平歷落，嶽崎難測！奇特十載，衾裯斷
愛直，恁剛腸拋得。若箇騎行遠絕情理，此竅誰人能
識？異日倘然歸去，逢人陌上，切要端詳盡悉。莫一時
孟浪，炫金路側。

▲畫錦堂

閨情

坐盡鶯昏，眠殘燕曉，終朝不捲珠簾。人在寒更聲裏，
瘦影纖纖。不爲春愁圍帶減，非因閒惱黛痕添。知何
故，嬌花寵柳，目中觸類皆嫌。慵瞻風月，節記團圓。
自知薄命難兼，獨恨行人雁字，歲歲常淹。去年春日
魂曾斷，舊衫袖上淚猶沾。今年裏，又是杏花時節，抱
病慳慳。

▲金菊對芙蓉

綽然堂詠白芙蓉

荔冷牆衣，苔寒砌褥，何來仙珮裁雲？對鏡屏悄立，深院無人。斜陽難繪，娉婷影算，祇宜秋水爲神。盈盈池畔，凌波瘦狹，羅襪生塵。愁紅褪盡，衫痕傍銀牀金井，耐過黃昏。鴛帳寒如此，誰與溫存？懷人木末霜華重，夢難通江上仙城。有褰裳楚客，荃噉蘭怨，一例銷魂。

▲前調

甲寅辭竈作

到手金錢，如毛燎火，烘然一燂完之。值祀神時節，莫備肴馐，瓦爐僅有香煙繞。酬竈前濁酒三卮。料應神聖，不因口腹，捏是成非。况復盃盤相依，念區區非吝，神所周知。倘上方見帝，幸代陳詞，倉箱討得千種粟，從空墮萬鈔朱提。準爾年此日犧牲豐潔，兩有光輝。

▲一落索

跳竈王（滯俗除夕，乞丐裝竈神，沿門乞化）

又聽聲聲臘鼓，漸催寒去。醉來司命不朝天，偏向街頭去。反作媚人好語，世情良苦。裝神學鬼復何爲？只託鉢沿門取。

▲喜遷鶯

歲莫作

藥煙嫋嫋，正濃點茶湯，熱煮餠飴。官租不催，宿糧未盡，又喜妻孥安樂。終歲不知肉味，歲莫安思饑嚼。雞兒縛，兒童歡喜，磨刀霍霍。一噓紅燭下，濁酒新藟，喧笑盈簾幙。嬌女攜壺，老荆滌瓊，痒處倩兒搔著。稱子着燈不寐，榻上瓶甌亂擲。此時料銷金帳裏，低斟淺酌。

▲如夢令

春夏閨情

滑選難爲纖履，屢仗東風扶起。女伴怪行遲，回首斜凝秋水。如此如此，爭奈煞人婢子。

扇子芭蕉風颺，茉莉雲鬟新樣。出浴不勝情，故緩緩歸羅帳。低唱低唱，荷院月來清亮！

▲大江東

新秋月夜病中感賦呈袁宣四

韶華易逝，歎鳧沉鷗泛，年年落魄。四十衰同七十者，病骨秋來先覺。夢鳥驚籠，吟蟲弔砌，多是眠難著。梧桐知否？一宵冷透簾箔。悲矣秋之爲氣，露顆秋零，情緒早先惡。西子傷心眉黛顫，又被月明偷學。愛水留光，惜花印影，絕似人蕭索。此時此夜，可憐繞樹烏鵲。

前身何似？想半生貧賤，不償業果。春去秋來常是病，辜負柳絲花朵。未聽新鶯，早驚客雁，瘦影愁千裏。煎心自急，便同鸚鵡罵鎖。試看良夜沈沈，碧天無際，風促行雲躲。玉露暗溥銀漢潔，河畔星星細瑣。枕上支頤，床頭抱膝，甚處猶差可。仰呼明月，卿卿願汝憐我。

我狂生耳！自摸索今世，已拚寒窘。老大止求糲骨健，猶似蒼蒼未允。爛漫花朝，團團月夕，俱向枕頭盡。攬衾長歎，韶光空擲虛牝。堪憐多病沈郎，頻移帶扎，未覺腰圍緊。憔悴那禁秋氣烈，但恐露驕風忍。禾稼不詢，妻孥總置，真似無腸蚓！伶仃病鶴，搏秋暑羨鷹隼。

論交疇昔，每西窗翦燭，常愁遠捨。及至座中香跡近，又值抱疴犬馬。數武門庭，兩重院落，似隔雲山者。淒涼月夜，銀河耿耿高瀉。曩年日日窺園，探春子熟，拋向遊魚打。蹀躞池亭高興盡，歸去摘花盈把。塵尾風清，石紋秋綠，翻乃游踪寡。嶽崎歷落，於今可笑人也。

▲滿庭芳

中元病足不能歸

戶折桑麻，盤登瓜果，匆匆又是中元。家家散福，兒女列壺殮。最是堪憐，此夜臥榻上有個人存。今宵也，年

年作客，冷月笑征魂。閉門更漏靜，微雲黯澹，亂樹黃昏。歎軀中痛癢，隔襪常捫。貧病皆由夙業，遭顛跛敢怨天孫。無端處黃州妻子，風雨罵章惇。

梧葉飄黃，荷花賸粉，遙村漸有疏砧。夕陽紅冷，院落晚沈沈。僕本情中癡客，逢秋社幽恨難禁。天涯外淒涼鬼節，况復思呻吟。嶽崎憔悴甚，是從春日直到而今。每聞鐘弔影，見月悽心。挫折祇留餘息，數年來消盡雄襟。蹉跎骨固將癯矣，何用更相侵？

病柳多眠，癡鵝解夢，秋來儘有愁貪。况逢節序，鬢影獨鬢鬢。一片蟲聲漏滴，都裝作離緒一擔。非孤另清風明月，並我已成三。家函全不問，愁憑大婦，嬾任中男。但已貧又病，情意難甘。莫恁阮生狂甚，途窮處不洎何堪。憐今日微花似我，寂寞醉紅酣。

方月窺牀，扁風入牖，攜來一味清秋。今爲何夕，伏枕暗啾啾。鼻把唾壺擊碎，無聊頻拂甚吳鉤。銷魂處，笛聲斷續，遙在水西樓。山中廬舍在，鴻妻稚髻，鬚子蓬頭。自病中悲憫，家字慵修。落拓從來有恨，思量到

幽怨全收。曾聞道當年杜甫，也是一生愁！

▲金樓曲

形贈影

與我周旋久，感殷勤。除君而外是誰能，能否月下燈前長作伴，豈謂燭行無偶。翻長爾瞠乎在後。我似梅花寒骨相，卻憐卿更比梅花瘦。明鏡裏面相覩，有時別去依誰某，任幾番暗中摸索。先生烏有，驀地昂藏花外見，小立斜陽負手乍隱顯，都能離垢。只恐含沙多鬼蜮，慎觀河莫歎容顏纒。同命鳥，勿孤負！

▲前調

影答形

一自隨君側，百年閒，壯衰幼老奉爲型式。肥瘦短長俱畢肖，只是難侔顏色。但知白僅能守黑，滅燭憐光花下飲，任舉盃邀月成三益。休覓我當頭夕，聞雞起舞，中宵立問何事悲歌斫地，夜燈搖碧磊落欹崎。

誰拔汝，攬鏡共嗟頭白。况冉冉駒光過隙，豈若擁衾長合眼，任低昂造物頻翻覆。黑酣裏，各休息。

▲前調

影贈形

老矣憐君甚，歎行藏非農非賈，非官非隱。一卷殘編長在手，茆屋數椽偃井，算賤子餘生何幸。自是勞君無案牘，向燈窗月榭同廣詠。齊放浪，見真性。怎君潦倒偏多病，便撇了家山亂走，脚根無定。身似繞枝烏鶴倦，何處營巢安穩。把月店霜橋行盡。五十年來嗟尾瑣，賸吳絲千尺堆雙鬢。重晤對，看青鏡。

▲前調

形答影

知己如君最，念此身蹉跎，實爲君累。歷盡窮途悲竭蹶，莫歎容顏顛頽，受多少炎涼滋味。羨爾不離還不卽，坐虛堂默默長相對。儼不捲，視茫昧。

何繇脫化如仙蛻，綺爐煙篆紋飄緲。臨風欲碎。畢竟是空還是色，隱隱若明若晦。半掩映畫屏屏背。堪歎塵寰庸俗者，慣勞勞不管微躬瘁。身外相得參未。

▲浣溪紗

秋柳

舊向長隄纜畫橈，秋來秋色倍蕭蕭。空垂煙絲拂橫橋。斜倚西風無限恨，懶將顛頽舞纖腰。離思別緒一條條。

▲烏夜啼

鴛衾輓貼薰籠，半牀慵。壓破耳瑤，不轉怕聞鴻。心欲睡，眼不睡，只朦朧。起坐無情無緒罵寒蛩。

▲釵頭鳳

誰樓鼓，蕉窗雨，聲聲集作相思譜。紅蠟淚，人顛顛，香篝悶倚。柔情如醉，睡睡睡。鄰家女，連肩語，娘行何日蓬懸戶。芳心恚，羞無地，低頭數刻。剛通一字，未未。

聊齋詞卷上終

聊齋詞卷下

▲賀新涼

喜宣四兄扶病能至挑燈伏枕吟

成四闋用秋水軒唱秋韻

枕畔堆書卷，強吟哦曲，將愁生遣。半夜夢回
窗外雨，惻惻撫膺悲泣。蠶將老，未能成繭。貧病空催
明鏡影，恨三生福業根淺。魂斷矣！如何展？
黔婁命薄，難通顯。顧牀頭黃金垂盡，錯囊成扁。短短
疎籬圍小舍，吠個伶仃瘦犬。無四壁盜憂幸免。煙冷
晨炊巧婦怨，夏服成便換春衣典。階沒草無人翦。（
首調自謂也自記）

歲月波濤卷，正清秋摺襟僵臥，誰能自遣。桃李開時
人抱病，不覺露華秋泣。抱冷被纏縈如繭，拚作山中
無歷日。太平人那解愁深淺？心耿耿，爲君展！
名園臺榭紅窗顯，遠心亭鸞驚魚奮，墨文粉扁。幽似

淄川蒲松齡留仙著

武陵溪畔路，止少村莊雞犬。高士臥塵囂可免。齒上
飛花明月夜，姑妄言不必憑何典。只頃刻膏官翦。
蕉葉西風卷，要與君加餐相勸。惺惺互遣。七尺匡牀
支瘦骨，那禁妻孥淚泣。百年裏，如蠶作繭，硬捻長繩
繫白日，看麻姑三見蓬萊淺。仙何術？眉長展。
明明造物機關顯，歎月來半欹半坐，村頭壓扁。搔首
自憐貧病客，不及雲中雞犬。胡爲者，高人不免。顛顛
文園宜自愛，酒壚頭自有文君典。小藤葛，急須翦。
驢背裝書卷，將出門男耕女織，盡情分遣。吾輩要除
兒女態，寧屑楚囚對泣。老將至，足跟重繭，前世瞿曇
枯淡骨，寸懷中元自塵緣淺。誰復望，雲霄展。
蕭齋明月秋光顯，笑年年客窗燈火，角巾照扁。歸到
門庭渾似客，驚吠狺狺家犬。口腹累賢豪不免。戶外
催租能敗意，向卿卿頻乞金釵典。雙黛蹙，變如翦。

▲金人捧露盤

雨夜

向黃昏，風細細，雨瀟瀟，溼垂陽，慵殺纖腰。簷珠脫串，絲絲點點，楊紅蕉。悵情處，能添竹瘦，倍益花憔悴。灑一聲聲聽不斷，纔急墜，復斜飄，如拋豆，窗外頻敲。寸心滴碎，空庭瑟瑟，可憐宵離人思婦，悲秋客一樣魂銷。

▲行鄉子

憂病

座上凝眸，枕邊搔頭，苦呻吟似燕啣。嘯歌未廢，臨眺全休。有三分痛，七分癢，萬分憂。漏惟五漏，思多千縷，一絲亂緒橫抽。人閒三恨，悽斷無儔。是病中日愁裏雨，客邊秋。

▲賀新涼

讀宣四兄見和之作復疊前韻

滿腹珠光卷，羨長才衙官奴隸，任情差遣。灌手薔薇

香露罷，開讀墨花猶泣。書細細，蚓篆藤繭。炫眼秋濤飛白鷺，悔匆匆，昔論交淺。頭風愈，襟懷展。愁能速老，真明顯，脫塵情強顏善飯。勝求盧扁。渴病秋風猶賣賦，不數茂陵呵犬。無聊賴，著書能免。刪定文章千古事，翡翠牀何敢言分典。書充棟，憑君翦。

▲前調

喜雨並寄宣四

豆葉秋陽卷，正懨懨臨風顛顛，綠情難遣。可喜一犁時雨足，經宿露零花泣。懈條嫩，野蠶作繭。滴滴簷聲吹不斷，飄寒釭砌下流清淺。看一夜，蕉心展。三竿時節，樞初顯，荒徑中人來印跡。蒼苔踏扁。從此鳴鳴仍擊缶，不聽花村吠犬。幸八口號號，知免。剋肉市頭新穀糶，石壕村肯把膏腴典。終歲苦於今，翦。

▲前調

霪雨綿綿三日不止既復患之

微曙雲濤卷，響淙淙折花攪樹，雨教風遣。遙想東山
芴屋破，通夕床床漏泣。抽不盡憂思如繭。獨坐更闌
疑夢寐，燭挑殘，暗壁寒釭淺。意切切，何能展？
人聲寂靜，秋聲顯，念壘頭逕因草沒。稼隨泥扁。一個
黃昏終一日，無怪蜀南吠犬，穀方熟，朽紅難免。連夜
沈沈天欲老，愁城中儘有閒人典。雲一片，阿誰翦？

▲水龍吟

風雨害稼

無端風雨蕭騷，濃雲長鎖蕉窗黑。連天野水，澎澎四
去，渾渾一色。綠草癡肥，紅花冷瘦，酸嘶無極。聽老農
告主，淫霖害稼，容黯黯，語惻惻。病客越添幽悶，便
狂呼如何了得！凶荒水旱，天何暇論阮家南北！粒顆
摧殘，豆莖搖落，淋零未息。恁颼颼，豈有東山無恙？但
望倘或。

▲長相思

風颼颼，雨颼颼，穀似搓殘豆似揉，如同稼作仇。朝

無休？夜無休；滴滴簷聲不斷頭，聲聲點點愁。

▲一翦梅

戲簡宣四

西風翦翦雨梭梭，朝也滂沱，莫也滂沱。一庭秋水細
生渦，階下成河，床下成河！涉泥踏溼苦蹉跎，炊者
咨嗟，餉者咨嗟。主人張蓋僕披蓑，一憚奔波，一怨奔
波。

▲前調

聽雨

黃昏時節雨如縈，更漏聲聲，屋漏聲聲。珠璣旋聚聚
旋傾，這處砢淘，那處砢淘。狂颼陣陣灑香橙，續也
移情，斷也移情。淒涼多是趁愁生，滴到天明，聽到天
明。

▲虞美人

夜雨

雨聲巧妒鴛鴦夢，又被風吹送；忽飄急陣到窗紗，恰似春江湖水泛桃花。

絲絲滴盡寒燈莫，滴處愁無數；秋蟲不管旅人愁，猶自啾啾唧唧向牀頭。

▲長相思

愁滿箋，苦滿箋；自笑千篇似一篇，揮毫已復然。逢歡難，強歡難；要把憂思一告天，便知病可憐。

▲醉太平

早起自憊己而自嘲

鬢將皤然，軀真憊焉！拈珠合口窗前，似耀僧睡仙。周妻久招，何腥尚沾；回頭自笑癡顛，學聖人半邊。

▲大聖樂

自遣

病日聞鶯，來時飛絮，依稀當前。漸綠蘚繡壁成文，碧草臨階欲老，似換新天。燕子久從何日去？見衰柳條

條，細雨牽秋華落也；塵生衣上，寒到身邊。我將披髮遠去，便擬訪喬松萬仞巔，恐桃花流水漁舟再入村巷別遷。似宋長悲，比江多恨，愛結風花雪月，緣能飛度，怕雲間天上，無此神仙。

▲賀新涼

喜晴復疊前韻

風動雲初卷，看一時白衣蒼狗，紛紛四遣。石破天驚青欲滴，星宿燦如目。眩稼十畝，似拈獨繭，將引大魚盈一載，操豚躡望歲元非淺。淫霖息，懷方展，泥衢水落人蹤顯，喜新晴砌根石底，蛙鳴聲扁。轉笑人無家室計，啣箸鼻同癡犬憂田舍，連朝誰免？初霽市廛備價貴，芟殘禾須把麻衣典。迨天未忙忙翳！

▲慶清朝曼

臥病

老綠衫如，晚紅面似，一時景物蒼涼。又逢連朝風雨，